

臺詩第十首

青年公園

斷線風吹，
卡佇樟仔林尾，
想飛～飛袂起。

老榕庇蔭的樹腳，
有膨鼠、厝角鳥仔，
以及粉鳥斑鴿，
搶食遊客麵包，
咕咕咕、嘰嘰喳喳…

來自南洋的女傭，
揉著北方老人輪椅，
雙人雞言鴨語，
講話比手劃腳，
嘛是咕咕嘰嘰喳喳…

遠遠的銅像，
元帥身騎駿馬，
永遠飄撇少年，
隨時準備出戰。
只是，日頭落山去，
老戰士無法度捧箸。

露天戲棚，
九降風獨奏：
一座無人的舞台、
一片冷落的空椅，
當咧公演一齣煞戲之戲。